



共四十二
婦人良方

七六

中武
584
86



門
號
卷

婦人良方卷之十一

薛氏醫按

臨川陳自明編 吳郡薛 已註

新都 閔道政校

候胎明

脉例第一

王子亨云。若妊娠其脉三部俱滑大而疾。在左則男經云。陰搏陽別謂之有子。搏者近也。陰脉逼近於下。陽脉則出於上。陽中見陽。乃知陽施陰化。法當有子。又少陰脉動甚者。妊子也。手少陰屬心。足少陰屬腎。心主血。腎主精。精血交會。投識于其間。則有娠。又三部脉浮沉正等無病者。有妊也。餘病如脉經說。左手尺脉浮洪者。為男胎也。右手尺部浮洪者。為女胎也。兩手尺部俱洪者。為兩男。俱沈實者。為兩女。又云。中指一跳一止者。一月

調經

調經

胎二跳二止者二月胎也

○診婦人有姙歌第二

肝為血今肺為氣血為榮今氣為衛陰陽配偶不參差兩臟通和皆類例血衰氣旺定無姙血旺氣衰應有體

肝藏血為榮屬陰肺主氣為衛屬陽陰陽配偶者是夫婦匹配偶合構精乃有子也若血少氣盛則無娠孕若血盛氣少則有孕也

寸微關滑尺帶數流利往來并雀啄小兒之脈已見形數月懷胎猶未覺

寸脈微關脈滑尺脈帶數及流利雀啄皆是經脈閉塞不行成胎已上之脈皆是血多氣少之脈是懷小兒之脈已見形狀也

左疾為男右為女流利相通速來去兩手關脈大相應已形在前通語

左手脈疾為懷男右手脈疾為懷女及兩脈流行滑利相通疾速來去是或兩手關脈洪大相應是其胎已有形狀也

左脈帶縱兩箇男

縱者夫行乘妻水行乘火金行乘木即鬼賊脈也名曰縱見在左手則懷兩箇兒也

右手帶橫一雙女

橫者妻乘夫也是火行乘水木行乘金即所勝脈也名曰橫見於右手則懷一雙女兒也

左手脈逆生三男

逆者子乘母也是水行乘金火行乘木即已生脾也名曰逆

見於左手。則懷三箇男兒也。

右手脉順還三女。

順者母乘子也。是金行乘水。木行乘火。即生巳之脉也。名曰順兒。於右手。則懷三箇女兒也。

寸關尺部皆相應。一男一女分形證。

寸關尺部脉大小遲疾相應者。是懷一男一女。形證之脉也。謂關前為陽。關後為陰。陰陽脉相應。故懷一男一女也。

有時子死母身存。或即母亡存子命。

此二句之文。無辯子母存亡之法。

往來三部通流利。滑數相參皆替替。陽實陰虛脉得明。遍滿胃堂皆逆氣。

若寸關尺三部通行流利。皆替替有力。而滑數皆是陽實陰

虛之脉。主妊婦逆氣遍滿胃堂而不順也。

左手太陽浮大男。

左手寸口為太陽。其脉浮大。則是懷男子。

右手太陰沉細女。

右手寸口為太陰。其脉沉細。是懷女脉也。

諸陽為男。諸陰女。指下分明長記取。

諸陽脉皆為男。即為大疾數滑實之類也。當懷男子。諸陰脉

三即沉細之類是也。當懷女子。

三部沉正等無絕。尺內不止真胎婦。

寸關尺三部脉沉浮正直齊等。舉按無絕斷。及尺內舉按不止。任者。真的懷胎婦也。

夫乘妻兮。縱氣露。

經云。縱者夫乘妻也。水行乘火。金行乘木。卽鬼賊脈也。縱氣霧霧者露也。又上下也。謂夫之陽氣乘妻之陰氣。二氣上下相逐。如霧潤結子也。

妻乘夫兮橫氣助。

橫者妻乘夫也。見前註。謂兩傍橫氣相佐助也。

子乘母兮逆氣參。

逆者子乘母也。謂子氣犯母氣。相乘逆行之氣相參合也。

母乘子兮順氣護。

是母氣乘於子氣。爲順氣相護衛也。凡胎聚縱橫逆順四氣以榮養。方以成形也。

小兒日足胎成。聚身熱脈亂無所苦。

婦人懷小兒五箇月。是以數足胎成就而結聚也。必母身體

壯熱當見脈息燥亂非病苦之症。謂五月胎已成。受火成氣。故身熱脈亂。是無病也。

汗中不食吐逆時。精神結備其中住。

謂姙胎受五行精氣以成形。稟二經以榮其母。懷姙至五月。其胎雖成。其氣未定。故胎氣未安。上衝心胃。則汗出不食吐逆。名曰惡阻。俗呼選飯。唯思酸辛之味以調胎氣也。

滑疾不散三月胎。

姙娠三月名始胎。此是未有定儀。心胞脈養之。故脈見滑疾流利。爲少氣多血。不散爲血氣盛。則始結爲胎也。

但疾不散五月母。

其脈但疾數而不散者。是五箇月懷胎之母也。

弦緊牢強滑利安。沉細而微歸泉路。

婦人經脈。宜弦緊勞強滑利。為安吉之脈。若沉細而微。謂脈與形不相應。故云死也。前文雖云太陰沉細。又云諸陰為女。其說似有相違。謂三部脈皆不沉細及微。故不同也。愚按前論與脈訣所云不同。觀者當自推之。

驗胎法第三

婦人經脈不行。已經三月。欲驗有胎。川芎生為末。空心濃煎。艾湯調下二錢。腹內微動。則有胎也。

胎殺避忌產前將護法第四

一受孕之後。切宜避忌胎殺所遊。如經云。刀犯者形必傷。泥犯者竅必塞。打擊者色青黯。繫縛者相拘攣。甚至母殞。禍如反掌。

月遊胎殺

立春在房床

驚蟄在戶單

清明在門雙

立夏在竈

芒種在母身

小暑在竈

立秋在碓按京本云在正北方子云

白露在厨前

寒露在門

立冬在戶及厨

大雪在鑪及竈

小寒在房母身

十干日遊胎殺

甲巳日占門

乙庚日占碓磨

丙辛日占井竈

丁壬日占厨解

戊癸日占米倉

十二支日遊胎殺

子丑日占中堂

寅卯辰酉日占竈

巳午日占門

未申日占籬下

戌亥日占房

六甲旬遊胎殺

甲子旬遊窓碓

甲戌旬遊正廳

甲申旬遊中庭

甲午旬遊房內

甲辰旬遊房中

甲寅旬遊二

太史局日遊胎殺

每遇癸巳甲午乙未丙申丁酉五日在房內北

庚子辛丑壬寅三日在房內南

癸卯一日在內西

甲辰乙巳丙午丁未四日在房內東

六戊六巳日在房內中 餘日在外無占

凡遊在房內不宜於方位上安牀帳及掃舍皆凶

又有小兒殺及本年三殺及產母身黃定命皆不可犯凡姪娠之後將此貼於房內常照見之切不可穿鑿修掘移釘繫籬壁重物展壓之類犯之重則胎死腹中母亦不利輕則子受其殃成人之後必定破形拳攣跛縮瘡癩犯之極驗

食忌論第五

一受孕之後切宜忌不可食之物非惟有感動胎氣之戒然於物理亦有厭忌者設或不能戒忌非特延月難產亦能令兒破形母損可不戒哉

食雞肉糯米合食令子生寸白蟲

食羊肝令子生多厄

食鯉魚鱗及雞子令兒成疳多瘡

食犬肉令子無聲音

食兔肉令子唇缺

食鰲肉令子頂短及損胎

食鴨子共桑椹同食令子倒生心寒

食螻蛄令子橫生

食雀肉合荳醬食之令子面生野黯黑子

食葶醬合藿香食之墮胎食水醬絕產

食雀肉令子不恥多淫

食山羊肉令子多病

食生薑令子多指生瘡

食蝦蟇鱓魚令子瘖瘡

食驢騾馬肉延月難產

如此之類無不驗者則知聖人胎教之法矣

孕婦藥忌歌第六

蛇水蛭地膽蟲 烏頭附子配天雄 躑躅野葛蜈蚣類

烏啄側子及蚤蟲 牛黃水銀并巴豆 大戟蛇蛻及蜈蚣

牛膝藜蘆并薏苡 金石錫粉及雌雄 牙硝芒硝牡丹桂

蜥蜴飛生及蜚蟲 代赭蚱蟬胡粉麝 莞花薇御草三稜

槐子牽牛并皂角 桃仁蟻螬和茅根 樵根礪砂與乾漆

亭長波流茵草中 瞿麥藺如蟹爪甲 蝟皮赤箭赤頭紅

馬刀石蠶衣魚等 半夏南星通草同 乾薑蒜鷄及雞子

驢肉兔肉不須供 切須婦人產前忌 此歌宜記在心留

婦人胎教之十一 七 且云

婦人良方卷之十二

薛氏醫按

臨川陳自明編 吳郡薛 已註

新都 閔道政校

妊娠疾病門 胎後已明須知娠
娠疾病故以次之

妊娠諸病忌毒藥餘當對症依法治之

妊娠隨月服藥將息法第一

千金云娠妊一月名始胎飲食精熟酸美受御宜食大麥母食
腥辛是謂纔正是月足厥陰脈養不可鍼灸其經此經內屬於
肝肝主筋血一月之內血行否澁不為力事寢必安靜毋令恐
畏況一月陰陽新合為胎寒多為痛熱多卒驚舉重腰痛腹滿
胞急卒有所下當預安之宜服烏雄雞湯

烏雄雞湯方

婦人良方

薛氏醫按卷之十二

二七

烏雄雞一隻治如食法 吳茱萸兩 茯苓 阿膠各一兩

生薑 甘草各一兩 人參 芍藥 白朮各三兩

麥門冬五合 右以水一斗二升。煮雞取汁。六升下藥。煮

取三升。內酒三升。并膠等取汁三升。分三服。

補胎湯 若曾傷一月胎者。當預服此藥。

細辛一兩 防風二兩 烏梅一升 吳茱萸 生地黄

白朮各一兩 大麥五合 生薑四兩

右以水七升。煮取汁二升半。分三服。寒多。倍細辛。茱萸。熱多。

去細辛。茱萸。加括蕞根二兩。有所思。去大麥。加栝子仁三合。

一方有人參一兩。忌生菜。蕪荑。桃李。雀肉等物。

妊娠二月。足少陽脈養。不可鍼灸其經。此經內屬於膽。膽主精。

是時兒精成於胞裡。當謹護勿驚動。況二月始陰陽踞經。有寒

不成。有熱。即萎。卒中風寒。有所動搖。心滿。臍下懸急。腰背強痛。卒有所下。乍寒乍熱。艾葉湯王之。

艾葉湯方

丹參三兩 當歸 人參 麻黃去節 艾葉

阿膠各二兩 甘草一兩 大棗十二枚 生薑六兩

右以酒三升。水一斗。內藥。煮減半。去滓。內膠。煎取三升。分三

服。忌海藻。菘菜。

黃連湯 若曾傷二月胎者。當預服此藥。

黃連 人參各一兩 吳茱萸五合 生地黄五兩 生薑三兩

右以醋漿七升。煮取三升。分四服。日三夜一。每十日作一劑。

若覺不安。加烏梅一升。加烏梅者。不用漿。直用水。忌猪肉。冷

水。蕪荑。一方加當歸半兩。

婦人頭方
妊娠三月名始胎。當此之時。未有定儀。見物而化。欲生男者。操
弓矢。欲生女者。弄珠璣。欲子美。數視璧玉。欲子賢良。端正清虛。
是謂外象。而內感者也。是月。手心主脈養。不可鍼灸。其經此經。
內屬於心。毋悲哀思慮。驚動。蓋三月為定形。有寒則大便清。有
熱則小便難。不赤即黃。卒驚恐憂愁。瞋恚喜頓。仆動於經脈。腹
滿繞臍苦痛。腰背痛。卒有所下。宜服雄雞湯。
雄雞湯方

雄雞一隻治

甘草炙

茯苓

人參

阿膠各二兩黃芩炒

白朮各一兩

芍藥四兩

麥門冬去心

大棗十二枚生薑切一兩

右以水一斗五升。煮雞。減牛內藥。

煮取一半。入清酒三升。并膠再煎。取三升。分三服。日飲盡。忌

海藻。菘菜。酢物。桃李。雀肉等。一方有當歸。川芎二兩。無黃芩。生薑。

茯神湯 若曾傷三月胎者。當預服此藥。

茯神

丹參

龍骨各一兩

阿膠炒

當歸

甘草炙

人參各二兩

赤小豆

大棗十二枚

右酢漿一斗。煮取三升。分四服。七日後服一劑。腰痛加桑寄生

生二兩。深師方有。薤白二兩。麻子一升。忌同前。

妊娠四月。以受水精。始成血脉。其食稍粳。其羹魚鴈。是謂成血
氣。以通耳目。而行經絡。是月。手少陽脈養。不可針灸。其經此經。
內輸三焦。其時兒六腑順成。當靜形體。和心志。節飲食。蓋四月
為離經。有寒心下溫。溫欲嘔。胸滿不食。小便如淋。臍下苦急。卒
中風寒。頸項強痛。寒熱。或驚動身。軀腹背腹痛。或時胎上。胸煩
不安。卒有所下。宜服菊花湯。主之。

菊花湯方

婦人良方

薛氏醫按卷之十二

三

且九

菊花 如雞子一枚

麥門冬 去心一升

麻黃 去節

阿膠 炙各三兩

生薑 五兩

甘草 炙

當歸 洗各二兩

人參 一兩

大棗 十二枚

半夏 洗各二兩

右以水八升煮減一半內清酒三升并阿膠煎取三升分三服温卧當汗以粉撲之獲風寒四五日忌食如前

調中湯

芍藥 四兩

甘草 炙

芎藭 續斷各一兩

白朮 各三兩

烏梅 一升

李根白皮 三兩

生薑 四兩

厚朴 炙

枳實 炙各二兩

右以水一斗煮取二升分四服日三夜一八日再服一劑一方有半夏二兩忌海藻菘菜桃李雀肉

妊娠五月始受火精以成其氣是起沐浴浣衣居處必厚其衣

衰朝吸天光以避寒殃其食稻麥其羹牛羊和菜菹調以五味是謂養氣以定五臟是月足太陰脉養不可鍼灸其經此經內輸於脾其時兒四肢成無大飢無甚飽無食乾燥無自炙熱無大勞倦蓋五月毛髮初生有熱苦頭眩心亂嘔吐有寒則腹滿痛小便數卒有恐怖四肢疼痛寒熱胎動無常處腹痛頓欲仆卒有所下宜服阿膠湯又名旋覆花湯主之

阿膠湯方

阿膠 炙四兩

人參 一兩

麥門冬 去心一升

生薑 六兩

吳茱萸 合七兩

旋覆花

當歸

芍藥

甘草 炙

右以水九升煮取一半內清酒三升并阿膠微火煎取三升半分四服日三夜一先食後服便愈不差更服忌海藻菘菜

安中湯 若會傷五月胎者當預服此丸

甘草炙 芍藥各三兩 當歸 人參 生地黃

芎藭各二兩 五味子各五兩 生薑六兩 麥門冬去心一升

大麻仁各五兩 大棗各十五枚 黃芩一兩

右以水七升清酒五升煮取三升半分四分日二夜一七日再服一劑忌如前

安胎當歸湯 若妊娠五月舉動悞胎不安小腹引腰脇小便下血

當歸 阿膠炒 芎藭 人參各一兩 大棗十二枚

艾一把 右以酒水各三升煮至三升去滓內膠令烊分

三服一方有甘草無參棗

妊娠六月始受金精以成筋身欲微勞無得靜處出遊於野數

觀走犬走馬食忌鷲鳥猛獸之肉是謂變腠理紉筋以養其力以堅背脊是月足陽明脈養不可針灸其經此經內屬於胃主其口目蓋六月之時兒口目皆成調五味食甘美毋大飽六月卒有所動不安寒熱往來腹內脹滿體臃驚怖忽有所下腹痛如欲產手足煩疼宜服麥門冬湯

麥門冬湯

麥門冬去心一升 甘草炙 人參各一兩 生地黃二兩

黃芩三兩 阿膠炒 生薑六兩 大棗十五枚

以水七升煮減半內清酒二升并膠煎取三升三服加入行三四里進糜粥忌海藻菘菜蕪荑

柴胡湯 若會傷六月胎者當預服之

柴胡四兩 芍藥一方 白朮 甘草各二兩

紫葳 紫葳 紫葳 紫葳

婦人良方

麥門冬三兩 去心

生薑六兩 枚

茯苓一兩 芎藭二兩 生地黄五兩

右以水一斗。煮取三升。分四服。日三夜一。仍進糜粥。七日更服一劑。忌海藻菘菜蕪荑桃李雀肉等。一方有黃芩二兩。

旋覆花湯亦名阻病 集驗療妊娠六七月胎不安常處。

旋覆花一兩 厚朴製 白朮 枳殼 黃芩炒

右以水一斗。煮取二升半。先食分五服。日三夜二。忌羊肉錫

醋桃李雀肉等。千金同。

妊娠七月。始受水精。以成骨。勞身搖肢。無使定止。動作屈伸。以運血氣。自此後。居處必節。飲食避寒暑。食粳稻。以密腠理。是謂養骨而堅齒。是月手太陰脈養。不可針灸其經。此經內屬於肺。

主皮毛。是時兒皮毛已戒。無大言。無號哭。無薄衣。無洗浴。無寒飲。若忽驚恐。搖動腹痛。卒有所下。手足厥陰脈。若傷寒煩熱。腹滿短氣。常若頸項腰背強。宜服葱白湯。

葱白湯方

葱白十五枚 半夏細切 麥門冬去心 人參一兩

生薑八兩 甘草炙 當歸 黃芪各三兩 阿膠炒四兩

黃芩一兩 旋覆花一把

右以水八升。煮減半。內清酒三升。并膠煎取四升。溫服一升。日三夜一。溫臥。當汗出。無汗加麻黃二兩。秋後勿強汗。忌羊肉。肉餒海藻菘菜等。

杏仁湯 若會傷七月胎者當預服。

杏仁去雙仁 皮尖碎 甘草炙 鐘乳研 麥門冬去心

婦人良方

婦人良方

六

婦人良方

婦人良方 卷之十二 九

吳茱萸 各一升 五味子 粳米各五合 紫苑 一兩
右以水八升煮取三升半分四服日三夜一七日服一劑忌

海藻菘菜
妊娠八月始受土精以成膚革和心靜無以氣極是謂周密

腠理光澤顏色是月手陽明脈養不可鍼灸其經此經內屬於

大腸大腸主九竅是時兒九竅皆成無以燥以無輒失食無忍

大氣若中風寒有所犯觸身體盡痛乍寒乍熱胎動不安苦頭

眩痛繞臍下寒時時小便白如米汁或青或黃或寒慄腰背苦

冷痛而目視茫茫宜服芍藥湯

芍藥湯方
芍藥四兩 人參 當歸 甘草各二兩 白朮一兩

厚朴二兩 薤白升切 生薑兩切

右以水五升酒四升煮取二升分四服日三夜一忌海藻菘菜桃李雀肉等類

葵子湯 若曾傷八月胎者當預服

甘草多 柴胡 白朮各二兩 厚朴薑製 芍藥

葵子二升 生薑六兩 大棗二十枚

右以水九升煮取三升分四服日三夜一日服一劑忌猪肉

冷水蕪黃桃李雀肉酢物等類

妊娠九月始受石精以成皮毛六腑百節莫不畢備飲醴食甘

緩帶自持而待之是謂養毛髮多才力是月足少陰脈所養不

可針灸其經此經內屬於腎腎主續縷皆成無處溫冷無著灸

衣若卒下痢腹滿懸急上衝腰背痛不可轉側短氣宜服半夏

湯

婦人良方 卷之十二 三

半夏湯方

半夏五合 麥門冬五合

乾薑兩 當歸一

吳茱萸 阿膠三兩 大棗十二枚

右以水九升。煮取三升。去粗。內白蜜八合。微火溫。分四服。痢

即止。忌生血物。錫。

猪腎湯 若曾傷九月胎者。當預服。

猪腎一具 茯苓 桑寄生 乾薑炮 生地黄

芎藭各三兩 白朮四兩 麥門冬一升 附子大者一枚

右以水一斗。煮猪腎熟。去之內諸藥。煎三升半。分四服。日三

夜一。十日更一劑。忌猪肉蕪荑。桃李雀肉酢物。

妊娠十月。五臟俱備。六腑通納。天地氣於丹田。故使關節人事

皆備。但候時而主。

愚按妊娠所禁之法。皆傳自上古。當永為遵守。其方藥用須斟酌。

芎藭補中湯 治懷孕血氣不能榮養。以致半產。予嘗治一妊

娠不足月而損墜。服此藥遂安。

乾薑煨 阿膠炒 芎藭 五味子各五分

黃芪炒 當歸 白朮炒 杜仲炒 白芍藥各一錢

木香 人參 甘草各五分

右水煎服

妊娠惡阻方論第二

妊娠惡阻病。產寶謂之子病。巢氏病源謂之惡阻。由胃氣怯弱。中脘停痰。脉息和順。但肢體沉重。頭眩擇食。惟嗜酸鹹。甚者寒熱嘔吐。胸膈煩滿。半夏茯苓丸主之。

愚按前症。若中脘停痰。用二陳湯加枳殼。若飲食停滯。用六君子加枳殼。若脾胃虛弱。用異功散。若胃氣不足。用人參橘皮湯。兼氣惱加枳殼。胸脇痞悶。再加蘇梗。脇痛。再加柴胡。若飲食少思。用六君子加紫蘇枳殼。頭暈體倦。用六君子湯。若脾胃虛弱。嘔吐不食。用半夏茯苓湯。蓋半夏乃健脾胃。化痰滯之主藥也。脾胃虛弱而嘔吐。或痰涎壅滯。飲食少思。胎不安。必用茯苓半夏湯。倍加白朮。然半夏白朮茯苓陳皮砂仁。善能安胎氣。健脾胃。予常用驗矣。

附治驗

一 妊娠嘔吐惡食。體倦嗜臥。此胃氣虛而惡阻也。用人參橘皮湯二劑。漸愈。又用六君子加紫蘇二劑而安。
一 妊娠吞酸惡心。時欲作嘔。此因脾胃虛而飲食停滯。用六

君加枳殼香附治之而愈。

一 妊婦停食。腹滿嘔吐吞酸。作瀉不食。余以為飲食停滯。兼肝木傷脾土。用六君子湯以健脾胃。加蒼朮厚朴以消飲食。吳茱萸所製黃連。以清肝火。諸症悉愈。又以六君加砂仁調理。而脾土乃安。

白朮湯 治胃虛惡阻吐水。甚至十餘日粥漿不入。

白朮錢炒一人參五分丁香甘草炒各二分

右薑水煎服

人參橘皮湯 治阻病嘔吐痰水。飲食少思。肢體倦怠。

人參橘紅白朮炒麥門冬去心

白茯苓各一錢厚朴製甘草各五分

右加竹茹薑水煎服。

保生湯 治妊娠惡阻。少食嘔吐。或兼吐瀉。作渴。

人參 一錢 甘草 炒 白木 炒 香附 烏梅 烏梅

橘紅 各五分 右薑水煎服

安胎飲 治體倦惡食。或胎動腹痛。或下血發熱。

甘草 炒 茯苓 當歸 熟地黃 自製

川芎 白木 炒 黃芪 炒 白芍藥 炒 半夏 湯泡

阿膠 切炒 地榆 各五分 右薑水煎服

又方 縮砂仁為末。每服二錢。薑湯或米飲調下。

附方

二陳湯 方見二十四卷第五論 六君子湯 方見二十四卷第六

其功散 方見二十二卷第三論 半夏茯苓湯 方見後

妊娠痰逆不食 方論第三

妊娠嘔逆者。乃水飲停積為痰。輕者妨食嘔逆。甚者腹痛傷胎。皆由胃氣不健。或風冷外乘所致也。

愚按前症。因食停滯。用半夏茯苓湯。加枳殼兼氣惱。更加柴胡。因痰壅滯。用半夏茯苓湯。加白朮。因風寒外傷。用參蘇飲。飲食腹脹。用香砂六君子湯。寒熱嘔吐。人參養胃湯。

附治驗

一 妊婦嘔吐脇脹。或寒熱往來。面色青黃。此木旺而剋脾土。用六君子。加柴胡。桔梗。枳殼。而安。

一 妊婦嘔吐酸水。胸滿不食。此脾土虛而肝木所侮。用六君子。加芍藥。而愈。又用四君子。加枳殼。桔梗。而安。

一 妊婦胸腹膨脹。吐痰不食。此脾胃虛而飲食為痰。用半夏。茯苓。湯。漸愈。又用六君子。加枳殼。蘇梗。桔梗。而飲食如常。後

因恚怒脇脹不食吐痰惡心用半夏茯苓湯加柴胡山施而愈

半夏茯苓湯 治妊娠脾胃虛弱飲食不化嘔吐不止

半夏炮炒 陳皮各一錢 白茯苓二錢 砂仁一錢 甘草五分

右用薑棗烏梅水煎服一二劑後用茯苓丸

茯苓丸 治妊娠煩悶頭暈聞食吐逆或胸腹痞悶

赤茯苓 人參 桂心 乾薑炮 半夏炮洗

橘紅各一兩 白朮炒 葛根 甘草炒 枳殼炒 各

右為末蜜丸桐子大每服五十九米飲下日三服

四七湯 方見十一卷第七論

附方

參蘇飲 方見六卷第十三論 六君子湯

四君子湯

香砂六君子湯 三方見二十四卷第六論

人參養胃湯 方見八卷第十八論

○胎動不安方論第四

妊娠胎動或飲食起居或衝任風寒或跌仆擊觸或怒傷肝火或脾氣虛弱當各推其因而治之若因母病而胎動但治其母若因胎動而母病惟當安其胎輕者轉動不安重者必致傷墜若面赤舌青是兒死也面青舌赤吐沫是母死也唇口色青兩邊沫出是子母俱死也察而治之

愚按前症胎氣鬱滯者用紫蘇飲脾氣虛弱者六君子湯加蘇殼鬱結傷脾者歸脾湯加柴梔鬱怒傷肝脾者四七湯加芎歸怒動肝火者加味小柴胡湯若胎已死急用平胃散加朴硝腐化之

附治驗

一妊婦內熱脯熱或兼寒熱飲食少思其胎或下墜或上攻此肝經血虛而火動耳先用加味逍遙散數劑次用六君子加柴胡枳殼各數劑而愈

一妊婦因怒寒熱胸脇脹痛嘔吐不食狀如傷寒

此怒動肝火脾氣受傷也用六君子加柴胡山梔枳殼牡丹皮而愈但內熱口乾用四君子加芎歸升麻柴胡而安

釣藤湯 治妊娠胎動腹痛面青冷汗氣欲絕者

釣藤鈎 當歸 茯神去木 人參各一錢 苦梔五分

桑寄生 一錢 右水煎服煩熱加石膏

黃芪湯 治氣虛胎動腹痛下水

糯米 一合 黃芪炒 川芎各一兩 右水煎分三服

順氣飲子 產前服之安胎

紫蘇葉 木香炮 人參 草薺 茯苓各一兩

甘草炒五錢 大腹子一兩氣弱不用

右每服三錢芎根三寸糯米少許水煎服

安胎寄生湯 治妊娠下血或胎不安或腰腹作痛

桑寄生 白木各五錢 茯苓四分 甘草一錢

右水煎服

又方好銀煮取水入葱白作羹食之

又方川芎二兩葱白五兩水三碗煮二碗半分三服四物湯加

熟艾膠茯苓或芎歸補中湯杜仲丸皆妙方並見前

附方

紫蘇飲 方見十二卷第八論 六君子湯

婦人良方

薛氏醫集卷之十二

四君子湯 二方見二十四卷第六論 加味小柴胡湯 方見二十四卷第二論
平胃散 方見七卷第十八論 加味道遙散
歸脾湯 二方見二十四卷第四論

○ 妊娠漏胎下血方論第五

妊娠經水時下。此由衝任氣虛。不能約制。蓋心小腸二經相為表裏。上為乳汁。下為月水。故妊娠經水墜之。以養胎。蓄之以為乳。若經水時下。名曰胞漏。血盡則斃矣。

愚按前症。若因風熱。用防風黃芩丸。若因血熱。用加味道遙散。若因血虛。用二黃散。若因血去太多。用八珍湯。未應補中益氣湯。若因肝火。用柴胡山梔散。若因脾火。用加味歸脾湯。若因事下血作痛。用八珍湯。加阿膠熟艾。若因脾胃虛弱。用補中益氣湯。加五味子。若因脾胃虛陷。用前湯倍用升麻柴

胡若哺熱內熱宜用逍遙散

附治驗方藥

一 妊婦下血。服涼血之藥。下血益甚。食少體倦。此脾氣虛而不能攝血。余用補中益氣湯而愈。後因怒而寒熱。其血仍下。此肝火旺而血沸騰。用加味逍遙散。血止。用補中益氣湯而安。

一 妊婦下血。發熱作渴。食少體倦。屬脾氣虛而肝火所侮。用四君子加柴胡山梔。血止。因怒復作。用六君子加柴胡山梔。升麻而安。

二 黃散 治胎漏下血。或內熱哺熱。或頭痛頭暈。或煩燥作渴。或脇肋脹痛等症。

生地黄 熟地黄 自製

右為末。每服三錢。煎白朮枳殼湯調下。二黃須杵膏為丸。庶藥不枯槁而有力也。

防風黃芩丸 方見後

加味歸脾湯

加味逍遙散

八珍湯 方見二十四卷第四

四君子湯

補中益氣湯

六君子湯 三方見二十四卷第六論

柴胡山梔散 方見二十四卷第三論

○ 妊娠卒然下血。方論第六

妊娠下血。因冷熱不調。七情失宜。氣血不和所致。若傷於胎。則痛而下血。甚則胎墮矣。

愚按前症。若因氣怒。用小柴胡湯。若因風熱。用一味防風丸。若因血熱。用一味子芩丸。若因脾氣虛弱。用六君子湯。若因中氣下陷。用補中益氣湯。若氣血盛而下血者。乃因兒小飲

少也不必服藥

附治驗

一 妊娠六月。每怒下血。甚至寒熱頭痛。脇脹腹疼。作嘔少食。余謂寒熱頭痛。乃肝火上衝。脇脹腹痛。乃肝氣不行。作嘔少食。乃肝侮脾胃。小便下血。乃肝火血熱。用小柴胡。加芍藥炒。黑山梔。茯苓。白朮而愈。

安胎散 治卒然腰痛下血。

熟地黃 製白 艾葉 白芍藥 炒 川芎 黃芪 炒

阿膠 炒 當歸 甘草 炒 地榆 各五分

右薑棗水煎服

婦人良方

薛氏醫案卷之十一

古

百四

附方

子芩丸 治肝經有熱妄行用細條黃芩炒為末每服一錢以

秤錘燒赤淬酒熱調服若脾胃虛不宜用

防風丸 治肝經有風以致血得風而流散不歸經用防風為

末每服一錢白湯調服

防風黃芩丸 治肝經有風熱致血崩便血尿血用條芩炒焦

防風等分為末酒糊丸桐子大每服三十五丸食遠或食前

米飲或溫酒送下

小柴胡湯 方見二十四卷

六君子湯

補中益氣湯 方見二十四卷

○妊娠驚胎及僵仆方論

妊娠驚胎者乃懷妊將滿胎神已具墜仆傷胎甚至下血不醒

若欲驗其子母安否當參第四論治之

愚按前症若因怒跌仆或手足抽搐用釣藤湯若因氣滯用

紫蘇飲若因脾胃氣虛用六君子加蘇梗若鬱結傷脾用歸

脾湯若鬱怒傷肝脾用四七湯加芎歸若去血過多用佛手

散如不應膠艾湯氣血虛八珍加膠艾

神妙佛手散 治胎痛服之即安胎損服之立下 即芎歸湯

當歸 各五錢 右水酒煎血崩者用酒煎服

治妊娠從高墜下腹痛下血

生地黃 各二錢 當歸 各一錢 黃芪 各一錢

右薑水煎服

膠艾湯 治妊娠頓仆胎動不安腰腹疼痛或胎上搶或去血

腹痛

婦人百病

阿膠

熟艾葉

右以水三碗煮取二碗分三服

又方川芎末二錢酒下二三服胎生即安胎死即下

又方失所胎動或子煩飲竹瀝一升立愈

又方縮砂和皮炒為末每服二錢水飲下腹熱即安

秦芫湯 方見前

安胎散 治頓仆胎動腰腹痛 方見前

附方

四七湯治七情鬱結成痰或如梅核鯁於喉間或中脘停痰

氣痞或痰壅氣喘或痰飲中脘嘔逆惡心

紫蘇葉

厚朴

茯苓

半夏

薑製一分

右薑棗水煎白濁送青州白丸子極妙

加味四物湯 治症同前

又方治寒邪所犯心腹作痛

桂枝

芍藥

半夏

茯苓

厚朴

枳殼

甘草

人參

紫蘇

右薑棗水煎服

釣藤湯 方見前

紫蘇飲 方見後

六君子湯 方見二十四卷

歸脾湯

八珍湯 方見二十四卷

○ 妊娠胎上逼方論第八

妊娠將養如法則血氣調和胎得其所而產亦易否則胎動氣

逆臨產亦難甚至危矣

愚按前症若氣逆胎上用紫蘇飲飲食不甘兼以四君子若

內熱瞞熱兼以逍遙散若胃火所致用四君子黃芩枳殼柴

婦人百病

卷之十二

六

四二

婦人良方 卷之十二
三
梔若脾鬱所致用歸脾湯加柴梔枳殼

附治驗

一姪婦每因恚怒其胎上逼左關脈弦洪乃肝火內動用小柴胡加茯苓枳殼山梔而愈但體倦不食用六君子調養脾土加柴胡枳殼調和肝氣乃瘥

一姪婦胎上逼胸滿噯氣飲食少思此脾氣鬱滯用紫蘇飲頓安又用四君子加枳殼柴胡山梔而瘥

紫蘇飲 治子懸腹痛或臨產驚恐氣結連日不下或大小便不利

當歸

甘草 炒

大腹皮 黑豆浸水泡

人參

川芎

橘皮

白芍藥 炒各五分

紫蘇 一錢

右薑葱水煎○一孕婦累日不產催藥不驗此坐草太早心

懷畏懼氣結而血不行也用前飲一服便產○一婦人孕

七月上衝腹痛面不赤舌不青乃子懸也亦用前飲而胎母

俱安

當歸湯

治胎動煩躁或生理不順唇口青黑手足厥冷

當歸

人參

阿膠 炒

甘草 炒各一錢連根葱白 一握

右水四碗煎四味至半去滓下葱煎至一碗分二服

大聖散 治姪娠忪悸夢驚心腹脹滿連臍急痛

白茯苓

川芎

麥門冬 去心

黃芪 炒

當歸 各一錢

人參

甘草 炒

木香 各五分

右薑水煎服

又方

治胎上逼熱痛下血或煩悶因篤用葱二十莖水濃煮

飲胎未死即安胎已死即下未效再服若唇口青黑手足厥

冷須佐以當歸湯。

白木湯 治遍身痛。或衝心痛欲死。方見後

附方

四君子湯

六君子湯二方見二十四卷

逍遙湯

歸脾湯二方見二十四卷

小柴胡湯方見二十四卷

○ 娠下如豆汁胎動腹痛方第九

愚按前症肝脾濕熱用升陽除濕湯肝脾風熱用加味道遙散肝脾鬱怒用加味歸脾湯脾胃氣虛用錢氏白朮散若脾氣下陷用補中益氣湯肝經風熱用防風黃芩丸風入腸胃用胃風湯。

附治驗

一 妊婦因怒胸膈不利飲食少思服消導順氣之劑脾胃愈弱飲食愈少大便不實且無度久而便黃水或帶白視其面色黃中隱白余曰黃色脾虛也白色肺虛也朝以補中益氣湯升補胃氣夕以六君子培補脾氣而愈。

治娠忽然下如豆汁等物或胎動腹痛

糯米 五升 黃芪 六兩 右水煎分四服

補遺用野苧根二兩好銀三五兩或金銀首飾

水酒各半煎服。

附方

胃風湯 治風邪乘虛客於腸胃水穀不化泄瀉下注腹脇虛滿腸鳴作痛及腸胃虛熱下如豆汁或疼血日夜無度。方見

卷第十論

婦人良方

薛氏醫案卷之十二

夫

四

東垣升陽除濕湯 治婦人女子漏下惡血月事不調或暴崩不止多下水漿之物皆由飲食失節或勞傷形體或素患心氣不足因飲食勞倦致令心火乘脾其脉緩而絃急按之洪大皆脾土受邪也

柴胡 姜活 蒼朮 黃芪炒各一錢五分

防風 甘草炙 升麻 蔓荊子七分

獨活 當歸各五分 右水煎食前服

加味逍遙散 加味歸脾湯二方見二十四卷第四論

防風黃芩丸 方見前 補中益氣湯

六君子湯二方見二十四卷第六論 錢氏白朮散方見二十一卷第二論

○ 妊娠誤用毒藥胎動方第十

愚按前症若因毒藥用甘草黑豆淡竹葉若因頓仆用阿膠

散末應煎送知母丸若因頓仆下血腹痛用佛手散末應用八珍送知母丸血出過多用八珍湯斤許益母草四兩水煎徐徐與服若胎死以朴硝或平胃散下之

奪命丹 治小兒或毒藥唇口爪青黑其胎已死

牡丹皮 白茯苓 桂心 赤芍藥各為末

桃仁去皮尖研如泥

右等分蜜丸彈子大每服一丸醋湯速進兩丸立出

阿膠散 治妊娠跌仆或毒藥致胎不安

熟地黃二錢自製 白芍藥 艾葉 當歸

甘草炒 阿膠炒 黃芪炒各一錢 右薑棗水煎服

藥毒胎動甘草烏豆淡竹葉等分用水濃煎服

附方

知母丸 又名一母丸方見十三卷第九論

佛手散 方見前

平胃散 方見八卷第十入論

○妊娠心痛方論第十

妊娠心痛乃風邪痰飲交結若傷心正經為真心痛朝發夕死夕發旦死若傷心支絡則乍安乍作若傷於子藏則胎動而血下。

愚按前症若飲食所傷用平胃散加枳殼山查若因錯雜諸邪當審其因而治之。

附治驗

一妊婦心痛煩熱作渴用白朮散即愈後因停食其痛仍作胸腹膨滿按之則痛此因飲食停滯用人參養胃湯按之不痛乃脾胃受傷以六君子補之而愈。

一妊婦心腹作痛胸脇作脹吞酸不食此肝脾氣滯用二陳山查山梔青皮木香而愈又因怒仍痛胎動不食而生青黃肝脈弦緊脾脈弦長此肝乘其土用六君子湯加升麻柴胡木香而愈。

治娠婦卒心痛氣欲絕

川芎

當歸

茯苓

厚朴

製各一錢

右水煎服

白朮湯

治妊娠內熱心痛

白朮

四錢

赤芍藥

三錢

黃芩

二錢炒

右水煎忌桃李雀肉

雷公炮炙論云心痛欲死急覓延胡

又方青竹茹一升酒二升煮二升分之服

又方破雞子一枚調酒服之

婦人良方

李氏醫安卷之十二

三

日四六

紫蘇飲 方見前

附方

人參養胃湯

二陳湯 方見二十四卷

平胃散 二方見七卷第十八論

○妊娠心腹痛方論第十二

妊娠心腹痛。或宿有冷疾。或新觸風寒。或痰飲相搏。若痛傷胞絡。必致動胎。甚則傷墮。

愚按前症。若風寒痰飲。用金沸草散。胎氣結滯。加香附川芎。若飲食停滯。用六君子加紫蘇枳殼。若怒動肝火。用前藥更加柴胡山梔。若鬱結傷脾。用歸脾湯。加枳殼山梔。

附治驗

一 妊娠心腹作痛。吐痰惡心。胎氣上攻。飲食少思。此脾虛氣

滯而為痰。用六君子加柴胡枳殼。諸症漸退。飲食漸進。又用

四君子加枳殼山梔。桔梗而安。後因怒。兩脇氣脹。中脘作痛。

惡寒嘔吐。用六君子加柴胡升麻木香。一劑而愈。

富歸芍藥湯 治妊娠心腹急痛。或去血過多而弦暈。

白芍藥 炒 當歸 茯苓 白木 炒 澤瀉 各一錢

川芎 二錢 右水煎服

阿膠散 治胎動腹痛。

白茯苓 白木 炒 川芎 阿膠 各一錢 當歸 炒

陳皮 各一錢 右水薑棗煎服

治胎動腹痛欲落。上等銀一斤。茅根二斤。去黑皮水五碗。煮取

三碗。入清酒一碗。并茅根煎數沸。徐徐服。立安。金銀首飾亦

可。

婦人良方 薛氏醫按卷之十二

附方

金沸草散 方見六卷第十二論

紫蘇飲 方見前

四君子湯

六君子湯 二方見二十四卷第六論

歸脾湯 方見二十四卷第四論

○妊娠中惡方論第十三

妊娠若忽然心痛悶絕欲死者謂之中惡蓋因氣血不足精神衰弱故邪毒得以中之也。

愚按前症當調補正氣為善用金銀藤一味煎湯飲之。

又方治前症

生地黄 二錢 枳殼 一錢 木香 三分 右酒煎服

又方苦梗一兩薑半兩水煎服

又方心腹痛或吐血衄血熱艾如拳六煮汁服

又方用鹽一盞水調服以冷水噴之吐出即安

又方竈心土為末每服二錢白湯調

○妊娠腰腹背痛方論第十四

腎主腰足因勞役傷損其經以致風冷乘之腰腹相引而痛蓋婦人腎以繫胞妊娠痛甚則胎墮也。

愚按前症若外邪所傷用獨活寄生湯勞傷元氣用八珍杜仲砂仁膠艾脾腎不足以前藥加白朮補骨脂氣血鬱滯用紫蘇飲加桔梗枳殼肝火所動用小柴胡湯加白朮枳殼山梔肝脾鬱結用歸脾湯加柴胡枳殼

附治驗

一妊婦頸項強直腰背作痛此膀胱經風邪所致用按萃羌活湯一劑而愈又用獨活寄生湯及八珍湯以祛邪固本而

婦人良方

薛氏醫按卷之十二

三

日四八

症。

通氣散 治腎虛腰痛神妙。破故紙炒為末。空心每服二錢。嚼核桃肉半箇以溫酒下。

杜仲丸 治妊娠腰背痛。杜仲炒。續斷酒浸。等分為末。煮棗肉

丸。桐子大。每服七十丸。酒下。米飲亦可。

膠艾湯 治腰腹疼痛。胎動欲落。即前妊娠下血補遺內。安胎散。

附方

獨活寄生湯 方見四卷第七論

八珍湯

歸脾湯 方見二十四卷第四論

紫蘇飲 方見前

小柴胡湯 方見二十四卷第二論

羌活勝濕湯 方見四卷第一論

○妊娠小腹痛方論第十五

妊娠小腹痛。由胞絡虛風寒相搏。痛甚亦令胎動也。

愚按前症。若風寒所搏。用紫蘇飲加生薑氣血虛用八珍湯。脾氣虛用六君子湯。中氣虛用補中益氣湯。若腹脹痛用安胎飲加升麻白朮。不應兼補中益氣湯。

附治驗方藥

一 妊娠小腹痛。其胎不安。氣攻左右。或時逆上。小便不利。用小柴胡湯加青皮山梔。清肝火而愈。後因怒。小腹痛滿。小便不利。水道重墜胎。仍不安。此亦肝木熾盛所致。用龍膽瀉肝湯一劑。諸症頓愈。乃以四君子加柴胡升麻。以培脾土而安。

紫蘇飲 方見前

八珍湯 方見二十四卷第四論

四君子湯

六君子湯

補中益氣湯

三方見二十四卷第六論

安胎飲

方見前

小柴胡湯

方見二十四卷第二論

龍膽瀉肝湯

方見二十四卷第八論

○妊娠心腹脹滿方論第十六

夫妊娠心腹脹滿者。由脾胃虛寒。復因冷飲相搏所致也。愚按前症。若外感風寒。內傷飲食。用藿香正氣散。若食傷脾胃。用六君子湯。若陽氣壅滯。用紫蘇飲。

附治驗

一妊婦飲食停滯。心腹脹滿。或用人參養胃湯。加青皮。山查。枳殼。其脹益甚。其胎上攻。惡心不食。右關脈浮大。按之則弦。此脾土不足。肝木所侮。余用六君子加柴胡。升麻而愈。後小腹痞悶。用補中益氣湯。升舉脾氣。乃瘥。下氣湯。治心腹兩脇脹悶。飲食少思。四肢無力。

羌活

赤芍藥

甘草

檳榔

青皮

大腹皮

陳皮

赤茯苓

半夏

桑白皮

桂心

紫蘇莖

右水煎服

局方枳殼散。保風散。紫蘇飲。藿香正氣散。皆良。

附方

六君子湯

補中益氣湯

二方見二十四卷第六論

人參養胃湯

方見十一卷第十八論

十二卷終

婦人良方

薛氏醫案卷之十一

五

明醫

婦人良方卷之十三

薛氏醫按

臨川陳自明編 吳郡薛 已註

新 都 閔道政校

○妊娠數墮胎方論第一

夫胎乃陽施陰化榮衛調和經養完全十月而產若血氣虛損不能養胎所以數墮也凡妊娠腰痛多墮胎

愚按丹溪先生曰陽施陰化胎孕乃成血氣虛之不能榮養其胎則墜譬如枝枯則果落藤萎則花墜嘗治賈氏婦每有孕至三月前後必墜診其脉左右大而無力重則瀉知其血虛也補其中氣使血自榮時正初夏教以濃煎白朮湯下黃芩末二錢與數十貼得保而生因而思之墮於內熱而虛者於理為多曰熱曰虛蓋孕至三月上屬相火所以易墮不然

何以黃芩熟艾阿膠等爲安胎之妙如此也。大抵治法須審某月屬某經育養而藥之。

附治驗

一妊婦五月服剪紅丸而胎墮。及腹脹痛。乃服破血之劑。痛益甚。手不敢近。予曰。此峻藥重傷脾胃也。用八珍倍加參芪。半夏乳香沒藥。二劑而痛止。數劑而安。

吳江庠史萬湖仲子室。年二十餘。疫疾墮胎時咳。服清肺解表之藥。喘急不寐。予以爲脾土虛而不能生肺金。藥復損而益甚也。先與補中益氣加茯苓半夏五味炮薑。四劑漸愈。後往祝之。用八珍加五味及十全大補湯而愈。

一方鯉魚二觔者。一尾粳米一升。用鹽醬煮食。甚善。月食三次。芎藭補中湯杜仲丸。治氣虛而胎墜。方見十一卷第一論

附方

十全大補湯

八珍湯二方見二十四卷第四論

補中益氣湯方見二十四卷第六論

○ 娠娠不長方論第二

夫娠娠不長者。因有宿疾。或因失調。以致臟腑衰損。氣血虛弱。而胎不長也。當治其疾。益其氣血。則胎自長矣。愚按前症。更當察其經絡。審其所因而治之。

附治驗

一妊婦胎六月。體倦懶食。面黃晡熱。而胎不長。因勞欲墜。此脾氣不足也。用八珍湯。倍加參朮茯苓。三十餘劑。脾胃漸健。而長矣。

一妊婦因怒。寒熱往來。內熱晡熱。脇痛嘔吐。胎至八月而不

婦人良方

薛氏醫按卷之十三

長此因肝脾鬱怒所致用六君加柴胡山梔枳殼紫蘇桔梗病愈而胎亦長矣

黃芪湯 治妊娠不長更安胎和氣

黃芪

炒

白朮

炒

陳皮

麥門冬

去心

白茯苓

前胡

人參

各五分

川芎

甘草

炒三

右薑棗水煎服

集驗用鯉魚長尺許如食法飲其汁其胎漸大而長矣

附方

六君子湯

方見二十四卷第六論

八珍湯

方見二十四卷第四論

○妊娠胎動不安當下方論第三

夫人以胃氣壯實衝任榮和則胎得所如魚處淵若氣血虛弱無以滋養其胎終不能成也宜下之以免其禍

愚按前症宜用第十二卷十四方論主之其胎果不能安者方可議下慎之慎之

附治驗

鴻臚張淑人痢疾後胎動心神不安肢體殊倦用八珍散二十餘劑漸愈因勞加煩熱頭痛以大劑補中益氣湯加蔓荊子治之熱痛頓止仍用前散又五十餘劑而安其後生產甚易

桂心散 治妊娠因病胎不能安者可下之

桂心

瓜蒌

牛膝

藟麥

各五分

當歸

一錢

右水煎

又方牛膝一兩酒一鍾煎七分作二服

小品方用麥蘖一升搗碎水二升煮一升服之神効觀麥蘖能

婦人良方

薛氏醫按卷之十三

三

四五

損氣破血如此。脾胃虛弱。飲食不化者。不宜用明矣。
文仲取雞子一枚。搥三錢。服之立下。
佛手散服之。胎死者即下。生者亦安。方見十二卷第七論

附方

八珍散

方見二十四卷第四論

補中益氣湯

方見二十四卷第六論

○ 妊娠墮胎後血下方論第四

墮胎後復損經脈而下血不止。甚則煩悶至死。皆以調補胃氣為主。

愚按前症若肝經血熱。用四物參朮山梔。肝經風熱。用防風黃芩丸。肝經怒火。用加味逍遙散。脾經氣虛。用四君歸地。脾經鬱滯。用加味歸脾湯。氣滯不和。用紫蘇飲。胃氣下陷。用補中益氣湯。

附治驗

一 妊婦墮胎。昏瞶。不時吐痰。自用養血化痰之劑。昏瞶不省。自汗發搐。痰涎湧出。彼以為中風。欲用祛風化痰。子曰。此屬脾氣虛寒所致。用十全大補湯。加炮薑二十餘劑。尋愈。
治妊娠損動下血腹痛。

阿膠

炒一兩

艾葉

半兩

水一大盞煎
治墮胎下血。煩滿寒熱。狂悶。鎊鹿角炒為末。每服三錢。水調下。日三服。或家雞翎燒為末。每服二錢。溫酒下。良久再服。以效為度。

附方

四物湯

補中益氣湯

方見二十四卷第六論

紫蘇飲

方見十二卷第八論

防風黃芩丸

方見十二卷第六論

婦人良方

薛氏醫案卷之十三

四五四

加味逍遙散

加味歸脾湯

十全大補湯

三方見二十四卷第四論

○ 娠未足月欲產方論第五

娠未足月而痛如欲產或應產而難或為子煩用知母一味蜜丸桐子大粥飲服之或槐子蒲黃等分為丸酒服或蒲黃水調錢許並效

愚按小產重於大產蓋大產如瓜熟自脫小產如生採斷其根蒂豈不重哉而人輕忽死於是者多矣大抵治法宜補形氣生新血云瘀血為主若未足月痛而欲產用芎歸補中湯倍加知母止之產而血不止人參黃芪湯補之產而心腹痛當歸川芎湯主之元氣弱而欲產八珍湯固之出血過多而發熱聖愈湯治之若汗不止或昏憒喘咳急用獨參湯若發

熱煩燥或肉爛筋傷用八珍湯大渴面赤脈洪而虛者芎歸補血湯身熱面赤脈沉而微者用四君薑附以回其陽可也

附治驗方藥

一 娠婦八月胎欲墜如產臥久少安日晡益甚此氣血虛弱朝用補中益氣湯加茯苓半夏隨愈更以八珍湯調理而安當歸川芎湯治小產後瘀血心腹疼痛或發熱惡寒

當歸

川芎

熟地黃自製

白芍藥炒

玄胡索炒

紅花

香附

青皮炒

澤蘭

牡丹皮

桃仁

右水煎入童便酒各小半盞服

若以手按腹愈痛此瘀血為患宜用此藥或失笑散消之若

按之不痛。此是血虛。宜用四物。參苓白朮。若痛而作嘔。此是胃虛。宜用六君子。若痛而作瀉。此是脾虛。宜用六君子。送二神丸。

芎歸補中湯 治氣血虛欲產

艾葉 代薑

阿膠 炒

川芎

五味子 杵炒

黃芪 炙

當歸

白朮 炒

芍藥 炒

人參

杜仲 炒各一錢

甘草 炙五分

右每服五錢。水煎服。

若脾氣虛弱。須用補中益氣湯。若氣虛而有火。宜用安胎飲。人參黃芪湯。治小產氣虛。血下不止。

人參

黃芪 炒

當歸

白朮 炒

白芍藥 炒

艾葉 各一錢

阿膠 炒二分

右作一劑水煎服

當歸散 治產後氣血虛弱。惡露內停。增寒發熱。宜服此藥。

當歸

白芍 炒

川芎

黃芩 炒各一兩

白朮 五錢

右為細末。溫童便調下二錢。

聖愈湯 方見二十四卷第九論

獨參湯 方見三卷第十三論

當歸補血湯

八珍湯 方見二十四卷第四論

補中益氣湯 方見二十四卷第六論

○斷產方論第六

易曰。天地之大德曰生。然婦人有臨產艱難。或生育不已而欲斷之。故錄驗方。以備所用。若服水銀。毒蟲水。蛭之類。不惟孕不復懷。且禍在反掌。

婦人良方

薛氏醫案卷之二十三

六

百五十五

愚按前云用蠶故紙尺許燒灰爲末產後酒服之血虛者終不復孕大抵斷產之劑多用峻厲往往有不起者是則產之害未若斷產之害也吾聞閣老張羅峰太常李恒齋俱因服斷產之劑自謂形體俱怯遇勞必病有由然矣。

千金斷產用油煎水銀一日方息空心服棗大一丸永斷其孕且不損人。

千金去胎大麴五升清酒一斗煮二沸去滓分五服隔宿勿食且再服其胎如糜母無所苦千金不傳。

四物湯每服五錢加芫薹子一撮於經行後空心溫服。

○妊娠咳嗽方論第七

夫肺內主氣外司皮毛皮毛不密寒邪乘之則咳嗽秋則肺受之冬則腎受之春則肝受之夏則心受之其嗽不已則傳於肺。

妊娠病久不已則傷胎也。

愚按前症若秋間風邪傷肺用金沸草散夏間火邪尅金用人參平肺散冬間寒邪傷肺用人參敗毒散春間風邪傷肺用參蘇飲若脾肺氣虛用六君芎歸桔梗若血虛四物桑皮杏仁桔梗腎火上炎用六味丸加五味子煎服脾胃氣虛風寒所傷用補中益氣加桑皮杏仁桔梗蓋肺屬辛金生於巳土嗽久不愈者多因脾土虛而不能生肺氣而腠理不密以致外邪復感或因肺氣虛不能生水以致陰火上炎所致治法當壯土金生腎水爲善諸臟腑嗽見六卷第十一等論。

附治驗

一妊娠氣喘痰甚諸藥不效素有帶下始於目下浮兩月餘其面亦然此氣虛而有痰飲也用六味丸料數劑而愈。

婦人百九
一妊婦嗽則便自出此肺氣不足腎氣虧損不能司攝用補

中益氣湯以培土金六味丸加五味以生腎氣而愈

一妊婦咳嗽其痰上湧日五六碗許諸藥不應子以為此水

泛為痰用六味丸料及四君子湯各一劑稍愈數劑而安

一妊婦因怒咳嗽吐痰兩脇作痛此肝火傷肺金以小柴胡

湯加山梔枳殼白朮茯苓治之而愈但欲作嘔此肝侮脾也

用六君子加柴胡升麻而痊

桔梗散 治風寒咳嗽喘急不食

天門冬 去心 桑白皮 桔梗 炒 紫蘇 各五分

赤茯苓 一錢 麻黃 去節 貝母 人參

甘草 炒 右薑水煎

馬兜鈴 苦梗 人參 甘草

貝母 各五分 陳皮 去白 大腹皮 黑豆水浸洗

紫蘇 桑白皮 各一錢 五味子 五分 右薑水煎

百合散 治咳嗽胸膈煩悶

川百合 紫苑 麥門冬 苦梗

桑白皮 各五分 甘草 三分 竹茹 二分 右薑水煎

治妊娠傷寒涎多咳嗽

知母 杏仁 天門冬 桑白皮 各五分

右薑水煎服

旋覆花湯感冒喘嗽胃滿痰盛 方見二十二卷第四論

華蓋散治症同上或項背拘急鼻塞頭眩時發寒熱 方見六卷第十二論

參蘇飲加杏仁五味子治症同上

婦人百九
薛氏醫案卷之十三
用五尺

附方

金沸草散

方見六卷第十二論

人參平肺散

方見二十四卷第十二論

人參敗毒散

方見二十四卷第十論

補中益氣湯

四君子湯

六君子湯

方見二十四卷第六論

六味丸

方見二十四卷第十一論

小柴胡湯

方見二十四卷第二論

○妊娠吐血衄血方論第八

妊娠吐血。由七情臟腑所傷。氣逆於上。致血上溢。不止。心悶甚。者多死。或墮胎也。宜用局方必勝散。

愚按前症若肝經怒火。先用小柴胡。山梔生地。次用前藥。合四物。後用加味逍遙散。肝經風熱。防風子芩丸。心經有熱。硃砂安神丸。心氣不足。補心湯。思慮傷心。妙香散。胃經有火。犀角地黃湯。膏梁積熱。加味清胃散。鬱結傷脾。加味歸胃湯。肺

經有火。黃芩清肺飲。因氣鬱滯。紫蘇飲。子氣不攝。血用補中益氣湯。腎經虛火。加味六味丸。仍以七卷第五論互用。

附治驗方藥

一。妊娠因怒吐血。兩脇脹痛。小便淋瀝。此怒而血蓄於上。隨火出也。用小柴胡合四物。四劑血止。用六君子安胎飲調理而安。

紫蘇飲

治妊娠失調。胎氣不安。上攻作痛。或氣逆失血。方見

卷第八論

若肝脾氣血虛而有火。不安。宜兼逍遙散。若脾氣虛弱而不安。宜用四君芎歸。

小柴胡湯

方見二十四卷第二論

四物湯

補中益氣湯

六君子湯

方見二十四卷第六論

婦人良方

薛氏醫案卷之十三

九

婦人頭力 薛氏醫案卷之十三 五九

加味道遙散

加味歸脾散 二方見二十四卷 第四論

防風子芩丸 方見十二卷 第六論

硃砂安神丸 方見三卷第十論

養心湯 方見三卷第十論

妙香散 方見三卷第十一論

安胎飲 方見十二卷 第一論

犀角地黄湯 方見七卷第六論

加味清胃散 方見二十四卷 第十一論

黃芩清肺飲 方見八卷第一論

加味六味丸 方見二十四卷 第十一論

○ 娠子煩方論第九

論曰。娠苦煩悶者。以四月受少陰君火。以養精。六月受少陽相火。以養氣。若母心驚膽寒。多有是症。產寶云。是心肺虛熱。或痰積於胃。若三月而煩者。但熱而已。若痰飲而煩者。吐涎惡食。大凡停痰積飲。寒熱搏吐。甚則胎動不安。愚按前症。若因內熱。用竹葉湯。氣滯用紫蘇飲。痰滯用二陳。

白木黃芩枳殼。氣鬱用。分氣飲。加川芎。脾胃虛弱用六君紫蘇山梔。

附治驗

一 娠婦煩熱吐痰惡食。惡心頭暈。此脾虛風痰為患。用半夏白朮天麻湯。以補元氣祛風邪。漸愈。惟頭暈未痊。乃用補中益氣湯。加蔓荊子。以升補陽氣而愈。

竹葉湯 治子煩

防風 黃芩 炒 麥門冬 各一錢 白茯苓 二錢

右竹葉數片。水煎服。

人參散 治熱乘心脾。煩熱乾渴。

人參 麥門冬 赤茯苓 地骨皮

乾葛 黃芩 炒 犀角 鈎各一錢 甘草 五分

婦人腹方 薛氏醫案卷之十三 日六十一

右水煎

竹茹湯 治妊娠煩燥或胎不安淡竹茹一兩水煎服之
益母丸 知母炒為末棗肉丸彈子大每服一丸人參煎湯下

附方

分氣飲 治脾胃虛弱氣血不和胃膈不利或痰氣喘嗽飲食少思

陳皮

茯苓

半夏

桔梗炒

大腹皮

紫蘇梗

枳殼 麩炒

白朮炒

山梔 炒各一錢

甘草 炙五分

右薑棗水煎

紫蘇飲 方見十二卷第八論

二陳湯 方見二十四卷第五論

六君子湯

補中益氣湯 方見二十四卷第六論

○妊娠煩燥口乾方論第十

足太陰脾之經其氣通於口手少陰心之經其氣通於舌若臟腑不調氣血不和以致內熱乘於心脾津液消燥故心煩口乾也與子煩大同小異宜用益母丸

愚按前症若胃經實火用竹葉石膏湯若胃經虛熱用人參黃芪散若胃經氣虛用補中益氣湯若肺經虛熱用紫蘇飲若肝經火動用加味逍遙散若脾氣鬱結用加味歸脾湯若腎經火動加味地黃丸

附治驗

一妊婦煩熱兼咽間作痛用知母散加山梔以清肺經而愈後內熱咳嗽小便自遺用補中益氣加麥門山梔以補肺氣滋腎水而痊

知母散治煩燥悶亂口乾

知母

麥門冬

黃芪炒

子芩炒

赤茯苓各一錢 甘草

右水煎入竹瀝一合更煎二沸而服

人參黃芪散 治身熱煩燥口乾

人參

黃芪炒

葛根

秦艽

赤茯苓

麥門冬各一錢

知母

甘草五分

右姜三片竹葉二七片水煎

補遺人參白朮散黃芪六一湯皆良

附方

竹葉石膏湯

石膏一錢

半夏一錢五分

甘草

人參各一錢

麥門冬

竹葉各五分

右姜水煎服

補中益氣湯 方見二十四卷第十六論

紫蘇飲 方見十二卷第六論

加味逍遙散

加味歸脾湯 二方見二十四卷第四論

加味地黃丸 方見二十四卷第十一論

婦人良方卷之十三 終

婦人良方

李氏醫案卷之十三

十一

日六二

